

## hegoaldeko udaberria

---

kulpak atea jo du  
bere klabikulak  
gogoratu ditudanean  
gela hartako  
memoriarik biziena  
udaberri hartako  
memoriarik biziena

nigan sinesten  
erakutsi zidan emakumeak  
biluzterakoan  
begiratu ninduenean  
nire belarrietakoen zilarra  
platino egin zuenean  
hegoaldeko titiek  
ekarri zidaten udaberria

erakargarria ote nintzen?  
benetan?  
hark baietz zioen

egia eman zidan  
depresio postkoital gabeko  
zigarroen artean  
ezer izango balitz bezala  
nire zakila esku artean eutsita

hiru egun izan ziren  
azalez beteriko hiru gau  
izerdiz ureztatuak  
usainez gainezka

banatu ginen arratsaldean  
betirako libre nintzela  
banekien;  
emakume hark askatu ninduen

hurrengo birekin  
igurtsi eta gero  
muskuluak lasaitzerakoan  
terrazan  
kearekin batera  
nire begirada  
hegoalderantz jaurti nuen

ohetik irten  
eta nire bila zetorren  
emakume berri baten  
biluztasun zuria,  
beranduegi baina  
eta ni terrazatik ihesi  
bere desioak  
bigarren ate bat eman zidan  
betirako

plazerrak zein itxura duen  
emakume haren begietan  
ikusit nuen  
emakume gutxiak  
begiratu nau horrela

bere klabikuletan  
haginkadak  
gogoratzen dituela  
idatzi zidan behin  
eta nirekin amets egiten duela  
eta nire itzala  
beraren eskua eusten duela  
oraindik ere.

bere itzalak  
berezia naizela uste du  
horregatik ez genuen  
hiru egunetan zehar  
argirik itzali

